

摘藻堂四庫全書薈要

集部

欽定四庫全書薈要卷一萬三千八百七十六

集部

元氏長慶集卷十二

唐 元稹 撰

律詩

酬盧祕書

并序

予自唐歸京之歲

自唐州從事還京

祕書郎盧拱作喜遇白贊

善學士詩二十韻兼以見貽白時酬和先出予草感末
暇皇頻有致師之挑故篇末不無憤辭其次用本韻習

然也

偶有衝天氣都無處世才未容榮路穩先蹋禍機開分

去聲久沉荆掾慙經廝栢臺理推愁易惑鄉思病難裁夜

伴吳牛喘春驚朔雁回北人腸斷送西日眼穿隕惟望

魂歸去那知詔下來涸魚千丈水殫鷺一聲雷幽匣提

青鏡衰顏拂故埃夢雲期紫閣厭雨別黃梅親戚迎時

到班行見處陪文工猶畏忌朝士絕嫌猜新識蓬山傑

深交翰苑材連投珠作貫獨和玉成堆劇敵徒相軋羸

師亦自媒磨礮刮骨刃翻擲委心灰恐被神明哭憂為
造化災私調破葉箭定飲塞旗盃金寶潛砂礫芝蘭似
草萊憑君毫髮鑿莫遣醫莓苔

見人詠韓舍人新律詩因有戲贈

喜聞韓古調兼愛近詩篇玉磬聲聲徹金鈴箇箇圓高
疎明月下細膩早春前花態繁於綺閨情軟似綿輕新
便妓唱凝妙入僧禪欲得人人伏能教面面全延之苦
拘檢摩詰好因緣七字排居敬千詞敵樂天

侍御八兄
能為七言

絕句贊善白君
好作百韻律詩

殷勤間太祝

張君籍

好去老通川

自謂

莫漫

裁章句須饒紫禁仙

奉和權相公行次臨闕驛逢鄭僕射相公歸朝
俄頃分途因以奉贈詩十四韻

帝下赤霄符搜求造化爐中台歸內座太一直南都黃
霸乘輅入王尊叱馭趨萬人東道送六蠹北風驅棧閣
纔傾蓋闕門已合繻貫魚行遷迤交馬語踟躕去速熊
羆兆來馳虎豹夫昔憐三易地今訝兩分途別路環山

雪離章運寸珠鋒鋌斷犀兕波浪沒蓬壺區宇聲雖動
淮河孽未誅將軍遙策畫師氏密訐謨漢上壇仍築
西陣再圖公方先二虜何暇進愚儒

酬樂天東南行詩一百韻

并序

元和十年三月二十五日予司馬通州二十九日與樂
天於鄆東蒲池村別各賦一絕到通州後予又寄一篇
尋而樂天貺予八首予時瘡病將死一見外不復記憶
十三年予以赦當遷簡省書籍得是八篇吟歎方極適

崔果州使至為予致樂天去年十二月二日書書中寄
予百韻至兩韻凡二十四章屬李景信校書自忠州訪
予連牀遞飲之間悲咤使酒不三兩日盡和去年已來
三十二章皆與李生視草而去四月十三日予手寫為
上下卷去聲仍依次重用本韻亦不知何時得見樂天因
人或寄去通之人莫可與言詩者惟婁淑在旁知狀

其本

卷尋時於峽州面付樂天別本都在唱
和卷中此卷惟五言大律詩二首而已

我病方吟越君行已過湖

元和十年閏六月至通州染
瘴危重八月聞樂天司馬江

州去應平緣直道哭不為窮途亞竹寒驚牖空堂夜向

隅暗魂思背燭危夢怯乘桴

此後每聯之內半述巴蜀土風半述江鄉物產

坐

痛筋骸憊旁嗟物候殊雨蒸重沸渭浪湧怪眈眈索綆

飄蚊蚋蓬麻甃舳艫短簷苦稻草微俸封去聲漁租泥浦

喧撈蛤荒郊險鬪貙

椿俱切

鯨吞近溟漲猿閤接黔巫芒

屩洄

音囚泳也

牛婦丫頭蕩槳夫酢醅荷農賣醕酒水淋漓

巴民造酒如淋醋法

舞態翻鸚鵡歌詞咽鷓鴣夷音啼似笑蠻語

謎去聲

相呼江郭船添店山城木豎郭吠聲沙市犬爭食

墓林烏獷俗誠堪憚妖神甚可虞欲令仁漸及已被瘡

潛圖膳減思調鼎行稀恐蠹樞雜蓐多剖鱔和黍半蒸

菰綠糗新菱實金丸小木奴

巴橘酸澁
大如彈丸

芋羹真整淡醜

音留食
竹根鼠

炙

之夜
反

漫塗蘇魚鼈那勝荳

音

烹鮓

音

只似鱸

通州俗以
鮓魚為膾

楚風輕似蜀巴地濕如吳氣濁星難見州斜

日易晡通宵但雲霧未酉即桑榆

此後並言
巴中風俗

瘴屈蛇休

蟄炎溪暑不徂俛魂陰叫嘯鵬貌晝踟躕鄉里家藏蠱
官曹世乏儒斂緡偷印信傳箭作符繻椎髻拋巾幘籛

音

刀代輓轡當心鞞

胡犬切

銅鼓背弋

必罵切

射桑弧

巴民盡射

木弓仍於

弓左安箭

豈復民眊料須將鳥獸驅是非渾並漆詞訟

敢研朱陋室鴉窺伺衰形蟒覬覦鬚毛霜點合襟淚血

痕濡倍憶京華伴偏忘我爾軀

此後並言與樂天同科共遊處等事

謫居

今共遠榮路昔同趨科試銓衡局衙參典校厨

書判同年校正

同省月中分桂樹天上識昌蒲應召逢鴻澤陪游值賜醑

心惟撞衛磬耳不亂齊竽

此後並言同應制時事

海岱詞鋒截皇

王筆陣毆疾奔凌驤鬣高唱軌吳歛點檢張儀舌提携

傳說圖擺囊看利穎開領出明珠並取千人特皆非十
上徒白麻雲色膩墨詔電光粗衆口貪歸美何顏敢妒
姝秦臺納紅旭艷匣洗黃壚諫獵寧規避彈豪詎囁
肺肝憎巧曲蹊徑絕縈迂誓遣朝綱振忠饒翰苑輸

元和

四年為監察御史
樂天為翰林學士

驥調方汗血蠅點忽成盧遂謫栖遑

掾還飛送別孟痛嗟親愛隔顛望友朋扶狸病翻隨鼠
驄羸返作駒物情良狗俗時論太誣吾瓶罄壘偏恥松
摧柏自枯虎雖遭陷穽龍不怕泥塗

此已上並述五年
貶掾江陵樂天亦

遭罹
謗鏢

重喜登賢苑方欣佐伍符

九年樂天除太子贊
善子從事唐州也

判

身入矛戟輕敵比鎠銖駟騎來千里天書下九衢因教

罷飛檄便許到皇都

十年春自唐州
詔予召入京

舟敗罌浮漢驂疲

杖過邗郵亭一蕭索烽堠各崎嶇餽人推輅誰何吏

執爰拔家逃力役連鏢責

音債

逋誅防戍兄兼弟收田婦

與姑縑紉工女竭青紫使臣紆望國參雲樹歸家滿地

蕪破窓塵埽埽

音字塵
起也

幽院鳥鳴鳴

此已下並言靖安
里無人居觸目荒

涼

祖竹叢新筍孫枝壓舊梧晚花狂蛺蝶殘蒂宿茱萸

始悟摧林秀因銜避繳蘆文房長遣閉經肆未曾鋪鶴
鷺方求侶鷓鴣已嚇雛徵還何鄭重斥去亦須更迢遞

投遐徼蒼黃出奧區通川誠有咎湓口定無辜

三月積
之通州

八月樂天
之江州

利器從頭匣剛腸到底剗薰蕕任盛貯稊稗

莫超踰公幹經時卧鍾儀幾歲拘光陰流似水蒸瘴熱
於鑪薄命知然也深交有矣夫救焚期骨肉投分刻肌

膚

本題云寄澧州李十舍人果州崔二十二員外開州
韋大員外通州元九侍御庾三十三補闕杜十四拾

遺李二十助教竇七校
書無投弔席八舍人

二妙馳軒陛三英詠袴襦

庚三
十三

杜二十四並居北省李十一
崔二十二章大各典方州

李多嘲蝮蜓竇數

入集蝮

蛛

李二十雅善歌詩固多詠物之作
竇七類改官銜屢有蜘蛛之喜

數子皆竒貨惟予

獨朽株邯鄲笑匍匐燕蒯受擲揄嬾學三問憤甘齊百
里愚耽眠稀醒素憑醉少嗟吁學問徒為爾書題盡已
于別猶多夢寐情尚感凋枯近喜司戎健尋傷掌誥徂

今日得樂天書
六年間席八段

士元名位屈伯道子孫無舊好飛瓊翰

新詩灌玉壺幾催閒處泣終作苦中娛廉蔣聲相讓燕
秦勢豈俱此篇應絕倒休漫捋髭鬚

樂天戲題篇未云
此篇擬打足下寄

容州詩故

有戲譽

和樂天送客游嶺南二十韻

次用本韻

我自離鄉久君那度嶺頻一杯魂慘澹萬里路艱辛江
館連沙市瀧船泊水濱騎田迴北顧銅柱指南隣大壑
浮三島周天過五均波心踴樓閣規外布星辰

交廣間南極浸

高北極凌低圓規度外星辰至衆大如五曜者數十皆不在星經

拂拂

父拂切說文作鬻

穿筒

格猩猩置屐馴

郭璞云鬻鬻交廣山谷間有之南人俗法嘗用竹筒穿臂以授之猩猩執臂輒

笑笑則唇蔽兩目人因自筒中出手以釘釘之於樹猩猩嗜酒好屐南人嘗以美酒置於其所且排十數屐

猩見之駭相謂曰吾既就擒矣然而漸飲至醉醉則穿
破屐而行既不能去相與泣而見獲故吳都賦曰猩猩
啼而就擒鸞鸞笑
而被格蓋為此
貢蕪蛟女絹俗重語兒巾
南方去京華絕遠冠

冕不到惟海路稍通吳中商

舶主腰藏寶

南方呼波斯為舶主胡人

肆多勝云此有語兒巾子

異寶多自懷

黃家砦

音柴之去聲南夷之區落

起塵歌鍾排象背炊

爨上魚身

夷民大陳設則巨象背上作樂大魚出浮身若洲島海人泊舟於旁因而炊爨其上魚不

之覺電白雷山接旗紅賊艦新島夷徐市種廟覘趙佗神

鳶跼方知瘴蛇蘇不待春曙潮雲斬斬夜海火燐燐

海水

夜擊之則盡如火蓋

陰火潛然之謂也

冠冕中華客梯航異域臣果然

屬猿

皮勝錦吉了

鳥名

舌如人風黠

音戲

秋茅葉烟埋曉月輪定

應玄髮變焉用翠毛珍句漏沙須買貪泉貨莫親能傳

稚川術何患隱之貧

獻滎陽公詩五十韻

并啟

啟今月十七日公會儒于便廡稹亦謬容末席公出棠
樹之首章且識其目曰客有前進士韋張在宋來會學
由我而下聯為五言以美之諸生怙怙竦竦各盡詞以
獻公公則舉其摧敵推案析理次至數聯應若前定諸

儒有不安者隨為刮削變模為妍不廢暮而珠貫成就
瑕不可掩者積六聯耳退而自咎且盛公之所為因而
次用所聯翩賢等五十一字合為一詩止詠公之詞業
力翰洎生徒學校之事而已也其於勲位崇懿在國籍
族地清甲編世家政事德美播謳謠儉仁慈愛被親戚
非小儒造次之所盡大凡受褊狹者不可以語大持杯
捲而承澍雨自滿而止又安能測其霧霈之所至哉惶
恐無任俯伏待罪謹以啟陳不宣謹啟

鄭驛騎翩翩丘門子弟賢文翁開學日正禮騁途年

張秀

才正蔡滎陽公

首薦登第也

駿骨黃金買英髦絳帳延趨風皆蹠足

侍坐各差肩解榻招徐揖登樓引仲宣鳳攢題字扇魚

落講經筵盛氣河包濟貞姿嶽柱天臯夔當五百鄒魯

重三千科斗翻騰取闕睢教授先

滎陽公寮吏生徒受詩有百數

篆垂

朝露滴詩綴夜珠聯逸禮多心匠焚書舊口傳陳遵修

尺牘阮瑤讓飛箋中的顏初啟抽毫踵未旋森羅萬木

合屬對百花全詞海跳波湧文星拂坐懸戴馮遙避席

祖逖後施鞭西蜀凌雲賦東陽詠月篇勁芟鼇足斷精
貫虱心穿浩汗神彌王颯颯興欲仙冰壺通皓雪綺樹
眇晴煙驅駕雷霆走鋪陳錦繡鮮清機登突

於甲反

奧流

韻溢山川墨客膺潛服談賓膝誤前張鱗定摧敗折角
反矜憐句句推瓊玉聲聲播管絃新撩造化頑洞幹
陶甄衛磬瑋鉤極齊竽僭濫偏空虛慚炙輶點竄許懷
鈎憊色秋來草哀吟雨後蟬自傷魂慘沮何暇思幽玄

積病瘡三年求醫在此
榮陽公不忍歸之瘴鄉

喜到樽壘側愁親几案邊菁華

知竭矣肺腑尚求旃抵滯渾成醉徘徊轉慕臆老歎

他丹

切才漸少間苦病相煎瓦礫難追琢芻蕘分棄捐漫勞

成懇懇那得美娟娟拙劣仍非速迂愚且異專移時停

筆硯揮景乏戈鋌儀舌忻猶在舒帷誓不褰會將連獻

楚深恥謬游燕浦有臨書葉韋充讀易編沙須披見寶

經擬帶耕田入霧長期閏持朱本望研輪轅呈曲直鑿

杓取方圓呼吸寧徒爾霑濡豈浪然過簫資響亮隨水

漲淪連惜日看圭短偷光恨壁堅勤勤彫朽木細細導

蒙泉傳癖今應甚頭風昨已痊丹青公舊物一為變媿
妍

元氏長慶集卷十二

欽定四庫全書蒼苔要卷一萬三千八百七十七

集部

元氏長慶集卷十三

唐 元稹 撰

律詩

酬樂天江樓夜吟稹詩因成三十韻

次用本韻

忽見君新句君吟我舊篇見當巴徼外吟在楚江前思
鄙寧通律聲清遂扣玄三都時覺重一顧世稱妍排韻
曾遙答分題幾共聯昔憑銀翰寫今賴玉音宣布鼓隨

椎響坯泥仰匠圓鈴因風斷續珠與調牽綿阮籍驚長
嘯商陵怨別絃猿羞啼月峽鶴讓警秋天志士潛興感
高僧暫廢禪興飄滄海動氣合碧雲連點綴工微者吹
噓勢特然休文徒倚檻彥伯浪迴船妓樂當筵唱兒童
滿巷傳改張思婦錦騰躍賈人牋魏拙虛教出曹風敢
望痊定遭才子笑恐賺學生顛裁什情何厚飛書信不
專隼猜鴻蓄縮虎橫犬迤邐水墨看雖久瓊瑤喜尚全
纔從魚裏得便向市頭懸夜置堂東序朝鋪座右邊手

尋韋欲絕淚滴紙渾穿甘蔗銷殘醉醞醘醒早眠深藏
那邊滅同詠苦無緣雅羨詩能聖終嗟藥未仙五千誠
遠道四十已中年時公年四十一暗魄多相夢衰容每自憐卒
章還慟哭蚊蚋溢山川

酬樂天待漏入閣見贈

時樂天為中書舍人予在翰林學士

未勘銀臺契先排浴殿闕沃心因特召承旨絕常班

承旨

學士在諸學士上

颺閃才人袖

思政對學士往往宮官傳詔

嘔鷗軟舉鏤宮

花低作帳雲從

去聲

積成山密視樞機草偷瞻咫尺顏恩

垂天語近對久漏聲閒丹陛曾同立金鑿恨獨攀筆無

鴻業潤袍媿紫文殷

烏間切

河水通天上瀛洲接世間謫

仙名籍在何不重來還

酬樂天早春閒遊西湖頗多野趣恨不得與微

之同賞因思在越官重事殷鏡湖之遊或恐未

暇因成十八韻見寄樂天前篇到時適會予亦

宴鏡湖南亭因述目前所睹以成酬荅末章亦

示暇誠則勢使之然亦欲粗為恬養之贈耳

浙東

時作

雁思

去聲

欲迴賓風聲乍變新各携紅粉妓俱伴紫垣人

水面波疑縠山腰虹

音降

似中柳條黃大帶菱葑

菱葑草根

綠

文茵雪盡纔通屐汀寒未有蘋向陽偏曬羽依岫小游

鱗浦嶼崎嶇到林園次第巡墨池憐嗜學丹井羨登真

逸少墨池雅川丹

雅歎游方盛聊非意所親白頭辭北

井皆越中異跡

闕滄海是東隣問俗煩江界蒐畋想渭津故交音訊少

歸夢往來頻獨喜同門舊皆為列郡臣三刀連地軸一

葦礙車輪尚阻青天霧空瞻白玉塵龍因雕字識犬為
送書馴勝事無窮境流年有限身嬾將閒氣力爭鬪野
塘春

江邊四十韻

官為修宅卒然有作因招李
六侍御○此後並江陵時作

官借江邊宅天生地勢坳歌危饒壞構迢遞接長郊怪
鵬頻棲息跳蛙頗溷殺總無籬繳繞尤怕虎咆哮停潦
魚招獺空倉鼠敵猫土虛煩穴蟻柱朽畏藏蛟蛇虺吞
簷雀豺狼逐野鹿犬驚狂浩浩雞亂響嚶嚶落葉甘

守荒涼穢盡包斷簾飛熠燿當戶網蠨蛸曲突翻成沼

行廊却代庖橋橫老顛柝馬病衰芻茭一一牀頭點連

連砌下泡辱泥疑在絳避雨想經峭相顧憂為鼈誰能

復繫匏誓心來利往卜食過安爻何計逃昏墊移文報

舊交棟梁存伐木苦盖愧分茅金瑄排黃荻琅玕衰翠

梢花塼水面鬪鴛瓦玉聲敲方礎荆山採修椽重玄切郢

匠匏音袍隱椎雷震蟄破竹箭鳴骹音敲脛也正寢初停午頻

眠欲轉胞困圓故薄祿厨敝備嘉肴各各人寧宇雙雙

鷺賀巢高門受車轍華廡稱蒲稍尺寸皆隨用毫釐敢

浪拋筏餘籠白鶴枝騰

音孕

架青鷄製榻容筐篚施闕拒

斗梢欄干防汲井密室待持膠庭草傭工薙園蔬稚子

培本圖間種植那要擇肥磽綠袖勤勤數紅榴箇箇抄

池清漉螃蠏瓜蠹拾蝦蚤曬篆看沙鳥磨刀綻海鮫羅

灰修藥竈築堞閱弓弰散誕都由習童蒙剝懶教

平聲最

便陶靜飲還作解愁嘲近浦聞歸楫遙城罷曉鏡王孫

如有問須為併揮鞘

春六十韻

節應寒灰下春生返照中未能消積雪已漸少回風迎
氣邦經重齋誠帝念隆龍驤紫宸北天壓翠壇東仙仗
搖佳彩榮光荅聖衷便從威仰座隨入大羅宮先到璇
淵底偷穿瑋瑁櫳館娃朝鏡晚太液曉冰融撩摘音剔芳

情遍搜求好處終九霄渾可可萬姓尚忡忡晝漏頻加
箭宵暉欲半弓驅令三殿出乞與百蠻同直自方壺島
斜臨絕漠戎南巡暖珠樹西轉麗崆峒度嶺梅甘圻潛

泉脉暗洪悠悠鋪塞草冉冉着江楓蠶役投筐妾耘催

荷蓀翁既蒸難發地仍送嬾歸鴻約略環區宇殷勤綺

鎬艷華山青黛撲渭水碧沙蒙宿露清餘靄晴烟塞迴

空鷺巢纔點綴鸚舌最惺惚膩粉梨園白臙脂桃徑紅

鬱金垂嫩柳罥

烏感切

晝委高龍地甲門闌大天開禁掖

崇層臺張舞鳳閣道架飛虹麤藥調神化鷓鷯竭志忠

歌聲齊錫宴車服獎庸功俊造興時用閭閻賀歲豐倡

樓歌細細農野麥芄芄貴主驕矜盛豪家恃賴雄偏霑

打毬彩頻得鑄錢銅專殺擒揚若殊恩赫鄧通女孫新
在內嬰稚近封公游行關心樂詩書對面聾盤筵饒異
味音樂斥庸工酒愛油衣淺盃誇瑪瑙烘挑髮玉釵髻
刺繡寶裝攏啟齒呈編貝彈絲動削葱醉圓雙媚靨波
溢兩明瞳但賞歡無極那知恨亦充洞房間窈窕庭院
獨葱蘢謝砌榮殘絮班窓網曙蟲望夫身化石為伯首
如蓬顧我沉憂士騎他老病驄靜街乘曠蕩初日接瞳
矐飲敗肺常渴魂驚耳更聰虛逢好陽艷其那苦昏悞

僂俛還移步持疑又省躬慵將疲賴質漫走倦羸僮季
月行當暮良辰坐歎窮晉悲焚介子魯願浴沂公燧改
鮮妍火陰繁晻澹桐瑞雲低峇峇遏合切香雨潤濛濛藥
漑分窠數籬裁備幼沖種莎憐見葉護筍萁成筒有夢
多為蝶因蒐定作熊漂沉隨壞芥榮茂委蒼穹震動風
千變晴和鶴一冲丁寧寒芳侶須識未開叢

月三十韻

莫葉標新朔霜毫引細輝白眉驚半隱虹勢訝全微涼

魄潭空洞虛弓雁畏威上弦何汲汲佳色轉依依綺幕

殘燈斂粧樓破鏡飛玲瓏穿竹樹岑寂思

去聲

幘幘坐愛

規將合行看望已幾絳河水鑑朗黃道玉輪魏迴照偏

瓊砌餘光借粉闌泛池相皎潔壓桂共芳菲的的當歌

扇娟娟透舞衣殷勤入懷什懇款墮雲圻素液傳烘盞

鳴琴薦碧微椒房深肅肅蘭路靄霏霏翡翠通簾影琉

璃瑩殿扉西園筵瑋瑁東壁射蚺蟻

音伊威鼠婦別名

老將占

天陣幽人釣石磯荷鋤元亮息迴棹子猷歸迢遞同千

里孤高淨九圍從星作風雨配日麗旌旗麟鬪寧徒設
蠅聲豈浪譏司存委卿士新拜出郊畿今古雖云極虧
盈不易違珠胎方夜滿清露忍朝晞漸減嫦娥面徐收
楚練機卜疑雕壁碎潘感竟牀稀捐篋辭班女潛波蔽
宓妃氛埃誰定滅蟾兔杳難希須遣圓明盡良嗟造化
非如能付刀尺別為創璿璣

飲致用神麴酒三十韻

七月調神麴三春釀綠醞

音靈

雕鏤荆玉盞烘透內丘瓶

試滴盤心露疑添案上螢滿尊凝止水祝地落繁星翻

陋瓊漿濁惟聞石髓馨冰壺通角簟金鏡徹雲屏雪映

煙光薄霜涵霽色冷蚌珠懸皎晶桂魄倒澗溟晝灑蟬

將飲宵暉鶴誤聆琉璃驚太白鍾乳訝微青詎敢辭濡

首并憐可鑒形行當遣俗累便得造禪扃

涓熒切

何憚說

千日甘從過百齡但令長泛蟻無復恨漂萍膽壯還增

氣機忘反自冥甕眠思畢卓糟籍憶劉伶髣髴中聖日

希夷來大庭眼前須底物座右任他銘刮骨都無痛如

泥未擬停殘觴猶漠漠華燭已熒熒真性臨時見狂歌
半睡聽喧闐爭意氣調笑學娉婷酩酊焉知極羈離忽
暫寧雞聲催欲曙蟾影照初醒咽絕鶻啼竹蕭撩雁去
汀遙城傳漏箭鄉寺響風鈴楚澤一為梗堯階屢變營
醉荒非獨此愁夢幾曾經每恥窮途哭今那客淚零感
君澄醴酒不遣渭和澀

感石榴二十韻

何年安石國萬里貢榴花迢遞河源道因依漢使槎酸

辛犯葱嶺憔悴涉龍沙初到標珍木多來比亂麻深拋

故園裏少種貴人家惟我荊州見憐君胡地賒從教當

路長上聲蕪恣入簷斜綠葉裁烟翠紅英動日華新簾裙

透影疎牖燭籠紗委作金爐焰飄成玉砌瑕乍驚珠綴

密終誤繡幃奢琥珀烘梳碎燕支嬾頰塗風翻一樹火

電轉五雲車絳帳迎宵日芙蓉綻早牙淺深俱隱映前

後各分葩宿露低蓮臉朝光借綺霞暗虹徒繳繞濯錦

莫周遮俗態能嫌舊芳姿尚可嘉非專愛顏色同恨阻

幽遐滿眼思鄉淚相嗟亦自嗟

度門寺

北祖三禪地

神秀禪師造

西山萬樹松門臨溪一帶橋映竹

千重剪鑿基階正包藏景氣濃諸巖分院宇雙嶺抱垣

墉舍利開層塔香爐占小峰道場居士置經藏大師封

太子知栽植神王守要衝由旬排講座丈六寫真容佛

語迦陵說僧行猛虎從修羅擡日拒樓至拔霜鋒畫井

垂枯朽穿池救噉

疑檢切噉魚出水貌

噉蕉非難敗壞槿喻暫

半茸寶界留遺事金棺滅去蹤鉢傳烘碼礪石長翠芙蓉影帳紗全落繩牀土半壅

金棺已下並寺中所有

荒林迷醉象

危壁亞盤龍行色憐初月歸程待曉鐘心源雖了了塵世苦憧憧宿蔭高聲識齋糧併力春他生再來此還願
總相逢

大雲寺二十韻

地勝宜臺殿山晴離垢氛現身千佛國護世四王軍碧耀高樓瓦頽

丑成切

飛半壁文鶴林縈古道雁塔沒歸雲

幡影中天颺鍾聲下界聞攀蘿極峯頂游目到江濱馴

鴿間依綴調猿靜守羣虎行風捷獵龍睡氣氛氳穫稻

禪衣卷燒畬劫火焚新英蜂采掇荒草象耕耘鉢付靈

童洗香教善女薰果枝低畧畧鳥感切花雨澤雰雰示化

維摩疾降魔力士勲聽經神變見說偈鳥紛紜上境光

猶在深谿暗不分竹籠烟欲暝松帶日餘曛真諦成知

別迷心尚有云多生沉五蘊宿習樂三墳諭鹿車雖設

如蠶緒正棼且將平等義還奉聖明君

和友封題開善寺十韻

依次重
用本韻

梁王開佛廟雲構歲時遙珠綴飛間鴿紅泥落碎椒燈
籠青焰短香印白灰銷古匣收遺施行廊畫本朝藏經
霑雨爛魔女捧花嬌亞樹牽藤閣橫查壓石橋竹荒新
筍細池淺小魚跳匠正琉璃瓦僧鋤芍藥苗旋蒸茶嫩
葉偏把柳長條便欲忘歸路方知隱易招

元氏長慶集卷十三

欽定四庫全書薈要卷一萬三千八百七十八

集部

元氏長慶集卷十四

唐 元稹 撰

律詩

牡丹二首

此後並是校書郎已前作

簇蔞風頻壞
裁紅雨更新
眼看吹落地
便別一年春
繁綠陰全合
衰紅展漸難
風光一擡舉
猶得暫時看

象人

被色空成象觀空色異真自悲人是假那復假為人

與楊十二巨源盧十九經濟同遊大安亭各賦
二物合為五韻探得松石

片石與孤松曾經物外逢月臨棲鶴影雲抱老人峰蜀
客君當問秦官我舊封積膏當琥珀新劫長芙蓉待補
蒼蒼去樛柯早變龍

賦得春雪映早梅

飛舞先春雪因依上番上聲梅一枝方漸秀六出已同開

積素光逾密，真花節暗催。
搏風飄不散，見音峴明貌忽偏。
摧郢曲，琴空奏羌音。
笛自哀，今朝兩成詠，翻挾昔人才。
賦得玉卮無當

共惜連城寶，翻成無當卮。
詎慚君子貴，深訝巧工隳。
泛蟻功全少，如虹色不移。
可憐殊礫石，何計辨糟醅。
江海誠難滿，盤筵莫忘去聲施。
縱乖斟酌意，猶得對光儀。

賦得數萸

元和
中作

將課司天歷，先觀近砌萸。
一旬開應月，五日數從星。
桂

滿叢初合蟾虧影漸零辨時長有素數上聲閨或餘青墜
葉推前事新芽察未形堯年始今歲方欲瑞千齡

賦得九月盡

霜降三旬後
奠餘一葉秋
玄陰迎落日
涼魄盡殘鈎
半夜灰移瑄
明朝帝御裘
潘安過今夕
休詠賦中愁

賦得雨後花

紅芳憐靜色
深與雨相宜
餘滴下纖葉
殘珠墮細枝
浣花江上思
去聲啼粉鏡中窺
念此低徊久
風光幸一吹

早歸

春靜曉風微，凌晨帶酒歸。
遠山籠宿霧，高樹影朝暉。
飲馬魚驚水，穿花露滴衣。
嬌鶯似相惱，含嚙傍人飛。

晚秋

竹露滴寒聲，離人曉思驚。
酒醒秋簟冷，風急夏衣輕。
寢倦解幽夢，慮間添遠情。
誰憐獨歎枕，斜月透窓明。

送林復夢赴韋令辟

蜀路危於劔，憐君自坦途。
幾回曾啖炙，千里遠銜珠。
野

性便荒飲時風忌酒徒相門多禮讓前後莫相踰

憶楊十二巨源

楊子愛言詩春天好詠時戀花從馬滯聯句放杯遲日
映含烟竹風牽卧柳絲南山更多興須作白雲期

夜合

綺樹滿朝陽融融有露光雨多疑濯錦風散似分粧葉
密煙蒙火枝低繡拂墻更憐當暑見留詠日偏長

新竹

新篁纔解箨寒色已青葱冉冉偏疑粉蕭蕭漸引風扶
疎多透日寥落未成叢惟有團團節堅貞大小同

秋相望

簷月驚殘夢浮涼滿夏衾蠨蛸低戶網螢火度墻陰爐
暗燈光短牀空帳影深此時相望久高樹憶橫岑

春病

病來間卧久因見靜時心殘月曉窓迴落花幽院深望
山移坐榻行藥步墻陰車馬門前度遙聞哀苦吟

山竹枝

白化感寺携來至
清源投之輞川耳

深院虎溪竹遠公身自裁
多慚折君節扶我出山來
貴宅安危步難將混俗材
還投輞川水從作老龍回

悟禪三首寄胡果

近聞胡隱士潛認得心王
不恨百年促翻悲萬劫長
有修終有限無事亦無殃
慎莫通方便應平聲機不頓忘

百年都幾日何事苦囂然
晚歲倦為學間心易到禪
病宜多宴坐貧似少攀緣
自笑無名字因名自在天

近見新章句因知見在心春游晉祠水晴上霍山岑問
法僧當偈還丹客贈金莫驚頭欲白禪觀老彌深

東臺去

僕每為崔白二學士話陶先生喜不遇
之事且曰僕得分司東臺即足以買山

家

陶君喜不遇予每為君言今日東臺去澄心在陸渾旋
抽隨日俸併買近山園千萬崔兼白殷勤承主恩

戴光弓

韋評事
見贈也

潞府筋角勁戴光因合成因君懷膽氣贈我定交情不

擬間穿葉那能枉始生惟調一隻箭飛入破聊城

劉頗詩

并序

昌平人劉頗其上三世有義烈頗少落行陣二十解屬
文舉進士科試不就負氣狹路間病輿車蔽柩盡碎之
罄囊酬直而去南歸唐州為吏所軋勢不支氣屈自火
其居出契書投火中繇是以氣聞予聞風四五年而後
見因以詩許之

一言感激士三世義忠臣破甕嫌妨路燒莊恥屬人迴

分遼海氣間躡洛陽塵儻使權由我還君白馬津

夜飲

燈火隔簾明竹梢風雨聲詩篇隨意贈杯酒越巡行漫
唱江潮曲間徵藥草名莫辭終夜飲朝起又營營

襄城驛

軍大夫
嚴秦修

嚴秦修此驛蕪漲驛前池已種千竿竹又栽千樹梨四
年三月半新筍晚花時悵望東川去等閒題作詩

間二首

暎淡洲煙白籬篩日脚紅江喧過雲雨船泊打頭風艇
子收魚市鴉兒噪荻叢不堪堤上立滿眼是蚊蟲

青衫經夏黝

都感切

白髮望鄉稠雨冷新秋簟星稀欲曙

樓連鴻盡南去雙鯉本東流北信無人寄蟬聲滿樹頭

欲曙

江隄閱暗流漏鼓急殘籌片月低城堞稀星轉角樓鶴
媒華表上鷓音披鴉音夾柳枝頭不為來趨府何因欲曙遊

寄胡靈之

早歲顛狂伴城中共幾年
有時潛步出連夜小亭眠
月影侵牀上花叢在眼前
今宵正風雨空宅楚江邊

夜雨

水怪潛幽草江雲擁廢居
雷驚空屋柱電照滿牀書
竹瓦風頻裂茅簷雨漸疎
平生滄海意此去怯為魚

酬李六醉後見寄口號

用本韻

頓愈頭風疾因吟口號詩
文章紛似繡珠玉布如棋
健羨觥飛酒蒼黃日映籬
命童寒色倦撫稚晚啼饑
潦倒

慚相識平生頗自竒
明公將有問林下是靈龜

歸田

時三十七

陶君三十七挂綬出都門
我亦今年去商山浙岸村
冬修方丈室春種桔槔園
千萬人間事從茲不復言

緣路

總是玲瓏竹蕪藏淺漫溪
沙平深見底石亂不成泥
煙火遙村落桑麻隔稻畦
此中如有問甘被到頭迷

誚盧戡與予數約遊三寺
戡獨沉醉而不行

乘興無羈束，間行信馬蹄。
路幽穿竹遠，野迥望雲低。
素帚茅花亂，圓珠稻實齊。
如何盧進士，空戀醉如泥。

遣春三首

楊公三不惑，我惑兩般全。
逢酒判

平聲

身病拈花盡，意憐

水生低岸沒，梅蹙小珠連。
千萬紅顏輩，須驚又一年。

柳眼開渾盡，梅心動已闌。
風光好時少，杯酒病中難。
學

問慵

常容切

都廢聲名老更判

平聲

惟餘看花伴，未免憶長

安

失却遊花伴因風浪引將柳堤遙認馬梅徑誤尋香晚
景行看謝春心漸欲狂園林都不到何處枉風光

歲日

一日今年始一年前事空淒涼百年事應與一年同

湘南登臨湘樓

高處望瀟湘花時萬井香雨餘憐日嫩歲閏覺春長霞
刹分危榜烟波透遠光情知樓上好不是仲宣鄉

晚宴湘亭

晚日宴清湘晴空走艷陽花低愁露醉絮起覺春狂舞
旋紅裙急歌垂碧袖長甘心出童殺須一盡時荒

酒醒

飲醉日將盡醒時夜已闌暗燈風焰曉春席水窓寒未
解縈身帶猶傾墜枕冠呼兒問狼籍疑是夢中驪

元氏長慶集卷十四

欽定四庫全書薈要卷一萬三千八百七十九

集部

元氏長慶集卷十五

唐 元稹 撰

律詩

獨游

遠地難逢侶，間人且獨行。
上山隨老鶴，接酒待殘鶯。
花當去聲西施面，泉勝衛玠清。
鶻鶻滿春野，無限好同聲。

洞庭湖

人生除泛海，便到洞庭波。駕浪沉西日，吞空接曙河。
虞巡竟安在，軒樂詎曾過。音惟有君山下，狂風萬古多。

雪天

故鄉千里夢，往事萬重悲。小雪沉陰夜，閒窓老病時。
獨聞歸去雁，偏詠別來詩。慚愧紅粧女，頻驚兩鬢絲。

贈熊士登

平生本多思，况復老逢春。今日梅花下，他鄉值故人。

別嶺南熊判官

十年常遠道不忍別離聲况復三巴外仍逢萬里行
桐花新雨氣梨葉晚春晴到海知何日風波從此生

水上寄樂天

眼前明月水先入漢江流漢水流江海西江過庾樓
庾樓今夜月君豈在樓頭萬一樓頭望還應望我愁

夏陽亭臨望寄河陽侍御堯

望遠音書絕臨川意緒長殷勤眼前水千里到河陽

日高睡

隔是身如夢頻來不為名憐君近南住時得到山行

輞川

世累為身累間忙不自由殷勤輞川水何事出山流

天壇歸

為結區中累因辭洞裏花還來舊城郭烟火萬人家

雨後

倦寢數殘更孤燈暗又明竹梢餘雨重時復拂簾驚

晴日

多病苦虛羸
晴明強展眉
讀書心緒少
閒卧日長時

直臺

麋入神羊隊
烏驚海鷺眠
仍教百餘日
迎送直廳前

行宮

寥落古行宮
宮花寂寞紅
白頭宮女在
閒坐說玄宗

醉行

秋風方索漠
霜貌足睽携
今日騎驄馬
街中醉蹋泥

指巡胡

遣悶多憑酒公心只仰胡挺身惟直指無意獨欺愚

飲新酒

聞君新酒熟况值菊花秋莫怪平生志圖銷盡日愁

香毬

順俗惟團轉居中莫動搖愛君心不測猶訝火長燒

景中秋八首

年年秋意緒多向雨中生漸欲烟火近稍憐衣服輕詠
詩間處立憶事夜深行濩落尋常慣淒涼別為情

蚊幌雨來卷燭蛾燈上稀啼兒冷秋簟思婦問寒衣簾
斷螢火入窓明蝙蝠飛良辰日夜去漸與壯心違

嗚嗚

鳥骨切
咽也

簷雷凝丁丁窓雨繁枕傾筒簟滑幔颭案

燈翻喚魘兒難覺吟詩婢苦煩強眠終不着閒卧暗消
魂

瓶瀉高簷雨窓來激箭風病憎燈火暗寒覺薄幃空婢
報樵蘇竭妻愁院落通老夫慵計數教想蔡城東

風頭難着枕病眼厭看

平聲

書無酒銷長夜回燈照小餘

三元推廢王

去聲

九曜入乘除廊廟應

平聲

多算參差幹太

虛

經雨籬落壞入秋田地荒竹垂哀折節蓮敗惜空房小
片慈菇白低叢柚子黃眼前撩亂輩無不是同鄉

雨柳枝枝弱風光片片斜蜻蜒憐曉露蛺蝶戀秋花饑

啁

與啄
通用

空籬雀寒棲滿樹鴉荒涼池館內不似有人家

病苦十年後連陰十日餘人方教作鼠天豈遣為魚鮫
綻艷城劔蟲凋鬼火書出聞泥濘盡何地不摧車

遣行十首

慘切風雨夕
沉吟離別情
驚辭前日社
蟬是每年聲
暗淚深相感
危心亦自驚
不如元不識
俱作路人行

十五年前事
恓惶無限情
病僮更借出
羸馬共馳聲
射葉楊纔破
聞弓雁已驚
小年辛苦學
求得苦辛行

徙倚簷宇下
思量去住情
暗螢穿竹見
斜雨隔牕聲
就枕回轉數
聞雞撩亂驚
一家同草草
排比送君行

已愴朋交別
復懷兒女情
相兄亦相舊
同病又同聲
白

髮年年剝秋蓬處處驚不堪身漸老頻送異鄉行

塞上風雨思城中兄弟情北隨鷓立位南送雁來聲遇
適尤無恨聞書喜復驚惟應遙料得知我伴君行

暮欲歌吹樂暗衝泥水情稻花秋雨氣江石夜灘聲犬
吠穿籬出鷗眠起水驚愁君明日夜獨自入山行

七過褒城驛回回各為情八年身世夢一種水風聲尋
覓詩章在思量歲月驚更悲西塞別終夜遶池行

褒縣驛前境曲江池上情南堤衰柳意西寺晚鐘聲雲

水興方遠風波心已驚可憐皆老大不得自由行
見說巴風俗都無漢性情猿聲蘆管調羌笛竹雞聲迎
候人應少平安火莫驚每逢危棧處須作貫魚行

聞道陰平郡脩然古戍情橋蕪麋鹿躡山應鼓鼙聲羌
婦梳頭緊蓄牛護尾驚憐君間閔極只傍白江行

生春二十首

丁酉
歲作

何處生春早春生雲色中籠葱間着水暎淡欲隨風度
曉分霞態餘光庇雪融晚來低漠漠渾欲泥幽叢

何處生春早春生漫雪中
渾無到底片惟逐入樓風屋
上些些薄池心旋旋融
自悲銷散盡誰假入蘭叢

何處生春早春生霽色中
遠林橫反照高樹亞東風水
凍霜威庇泥新地氣融
漸知殘雪薄杪近最憐叢

何處生春早春生曙火中
星圍分暗陌烟氣滿晴風宮
樹棲鴉亂城樓帶雪融
競排閭闔側珂傘上聲自相叢

何處生春早春生曉禁中
殿堦龍旆日漏閣寶箏風藥
樹香煙重天顏瑞氣融
柳梅渾未覺青紫已叢叢

何處生春早春生江路中
雨移臨浦市晴候過湖風
蘆筍錐猶短凌澌玉漸融
數宗船載足商婦兩眉叢

何處生春早春生野墅中
病翁間向日征婦懶成風
斫筴天雖暖穿區凍未融
鞭牛縣門外爭土蓋蠶叢

何處生春早春生冰岸中
尚憐扶臘雪漸覺受東風
織女雲橋斷波神玉貌融
便成嗚咽去流恨與蓮叢

何處生春早春生柳眼中
芽新纔綻日茸短未含風
綠誤眉心重黃驚蠟淚融
碧條殊未合愁緒已先叢

何處生春早春生梅
援中藥排難犯雪香
乞音氣擬來風

隴迥羌聲怨江遙客思融
年年最相惱緣未有諸叢

何處生春早春生鳥
思中鵲巢移舊歲戴羽旋
高風鴻

雁驚沙暖鴛鴦愛水融
最憐雙翡翠飛入小梅叢

何處生春早春生池
榭中鏤瓊冰陷日文縠水
迴風柳

愛和身動梅愁合樹融
草芽猶未出挑得小萱叢

何處生春早春生稚
戲中亂騎殘爆竹爭唾
小旋風罵

雨愁妨走呵冰喜旋融
女兒針線盡偷學五辛叢

何處生春早春生人意中
曉粧雖近火晴戲漸憐
風暗入心情懶先添酒思融
預知花好惡偏在最深叢

何處生春早春生半睡中
見燈如見霧聞雨似聞風
開眼猶殘夢擡身便恐融
却成雙翅蝶還遶庫花叢

一本傍人

驚屢壓魂
逐牡丹叢

何處生春早春生曉鏡中
手寒勻面粉髮動倚簾風
宿霧梅心滴朝光幕上融
思牽梳洗懶空拔綠絲叢

何處生春早春生綺戶中
玉櫳穿細日羅幔張

上聲輕風

柳軟腰支嫩梅香密氣融獨眠傍妒物偷鏟合歡叢
何處生春早春生老病中土膏蒸足腫天暖癢頭風似
覺肌膚展潛知血氣融又添新一歲衰白轉成叢
何處生春早春生客思中旅魂驚北雁鄉信是東風縱
有心灰動無由鬢雪融未知開眼日空遶未開叢
何處生春早春生濛雨中裊塵微有氣拂面細如風柳
誤啼珠密梅驚粉汗融滿空愁淡淡應豫憶芳叢

嘉陵水

爾是無心水東流有恨無我心無說處也共爾何殊
漫天嶺贈僧

五上兩漫天因師懺業緣漫天無盡日浮世有窮年
百牢關

天上無窮路生期七十間那堪九年内五度百牢關
二月十九日酬王十八全素

此後有酬和
並次用本韻

君念世上川嗟予老瘴天那堪十日內又長白頭年
滎陽鄭公以禎寓居巖茅有池塘之勝寄詩四

首因有意獻

激射分流闊灣環此地多暫停隨梗浪猶閱敗霜荷恨
阻還江勢思深到海波自傷才畎澮其奈贈珠何

酬樂天寄蘄州簞

蘄簞未經春君先拭翠筠知為熱時物預與瘴中人碾
玉連心潤編牙小片珍霜凝青汗簡水透碧游鱗水魄
輕涵黛琉璃薄帶塵夢成傷冷滑驚卧老龍身

酬李浙西先因從事見寄之作

近日金鑿直親於漢珥貂內人傳帝命丞相讓吾僚浙
郡懸旌遠長安諭日遙因君藥珠贈還一夢烟霄

酬周從事望海亭見寄

年老無流輩行稀足薜蘿熱時憐水近高處見山多衣
袖長堪舞喉嚨轉解歌不辭狂復醉人世有風波

代杭民荅樂天

翠幕籠斜日朱衣儼別筵管絃淒欲罷城郭望依然路
溢新城市農開舊廢田春坊幸無事何惜借三年

元氏長慶集卷十五

欽定四庫全書薈要卷一萬三千八百八十

集部

元氏長慶集卷十六

唐 元稹 撰

律詩

杏園

浩浩長安車馬塵
狂風吹送每年春
門前本是虛空界
何事栽花誤世人

菊花

秋叢遶舍似陶家
遍遶籬邊日漸斜
不是花中偏愛菊
此花開盡更無花

酬哥舒大少府寄同年科第

前年科第偏年少
未解知羞最愛狂
九陌爭馳好鞍馬
八人同着綵衣裳

同年科第宏詞呂二炅王十一起拔
萃白二十二居易平判李十一復禮

呂四頓哥舒大頓崔十八玄
亮逮不肖八人皆奉榮養

自言行樂朝朝是
豈料浮

生漸漸忙賴得官間且疎散
到君花下憶諸郎

幽棲

野人自愛幽棲所，近對長松遠是山。
盡日望雲心不繫，有時看月夜方閒。
壺中天地乾坤外，夢裏身名旦暮間。
遼海若思千歲鶴，且留城市會飛還。

清都春霽寄胡三吳十一

藥珠宮殿經微雨，草樹無塵耀眼光。
白日當空天氣暖，好風飄樹柳陰涼。
蜂憐宿露攢芳久，燕得新泥拂戶忙。
時節催年春不住，武陵花謝憶諸郎。

貞元二十年正月二十五日自洛之京二月三

日春社至華嶽寺憇竇師院曾未逾月又復徂
東再謁竇師因題四韻而已

山前古寺臨長道來往淹留為愛山雙燕營巢始西別
百花成子又東還暝驅羸馬頻看堦曉聽鳴雞欲度關
羞見竇師無外役竹窓依舊老身閒

貞元二十年五月十四日夜宿天壇石幢側十
五日得盤屋馬逢少府書知予遠上天壇因以
長句見贈篇末仍云靈溪試為訪金丹因於壇

上還贈

野人性僻窮深僻，芸署官閒不似官。
萬里洞中朝玉帝

上有洞
周萬里

九光霞外宿天壇，洪漣浩渺東溟曙。
白日低回上境寒，因為南昌檢仙籍。
馬君家世奉還丹。

尋西明寺僧不在

春來日日到西林，飛錫經行不可尋。
蓮池舊是無波水，莫逐狂風起浪心。

與吳侍御春遊

金瓶西廂記卷之三十一
第七十一
蒼龍闕下陪驄馬紫閣峰頭見白雲滿眼流光隨日度
今朝花落更紛紛

晚春

晝靜簾疎燕語頻雙雙鬪雀動階塵柴扉日暮隨風掩
落盡閒花不見人

先醉

今日樽前敗飲名三杯未盡不能傾怪來花下長先醉
半是春風蕩酒情

獨醉

一樹芳菲也當

去聲

春漫隨車馬擁行塵
桃花解笑鶯能

語自醉自眠那藉人

宿醉

風引春心不自由
等閒衝席飲多籌
朝來始向花前覺
度却醒時一夜愁

懼醉

荅盧子蒙

聞道秋來怯夜寒
不辭泥水為杯盤
殷勤懼醉有深意

愁到醒時燈火闌

羨醉

綺陌高樓競醉眠
共期顛顛不相憐
也應自有尋春日
虛度而今正少年

憶醉

自歎旅人行意速
每嫌杯酒緩歸期
今朝偏偶醒時別
淚落風前憶醉時

病醉

戲作吳吟贈盧十九經濟
張三十四弘辛文丘度

醉伴見儂因酒病道儂無酒不相窺那知下藥還沾底
人去人來剩一卮

擬醉

與盧子蒙飲於竇晦之醉後賦詩共十九首子蒙叙為別卷自此至狂醉皆是夕所

賦

九月間宵初向火一樽清酒始行杯憐君城外遙相憶
冒雨衝泥黑地來

勸醉

竇家能釀銷愁酒但是愁人便與銷願我共君俱寂寞

只應連夜復連朝

任醉

本怕酒醒渾不飲因君相勸覺情來
殷勤滿酌從聽醉
乍可欲醒還一杯

同醉

呂子元康及之杜歸
和同隱客范韋氏池

柏樹臺中推事人杏花壇上鍊形真心源
一種間如水
同醉櫻桃林下春

狂醉

一自柏臺為御史二年辜負兩京春
峴亭今日顛狂醉
舞引紅娘亂打人

伴僧行

春來求事百無成因向愁中識道情
花滿杏園千萬樹
幾人能伴老僧行

古寺

古寺春餘日半斜
竹風蕭爽勝人家
花時不到有花院
意在尋僧不在花

定僧

落魄間行不着家
徧尋春寺賞年華
野僧偶向花前定
滿樹狂風滿樹花

觀心處

滿坐喧喧笑語頻
獨憐方丈了無塵
燈前便是觀心處
要似觀心有幾人

智度師二首

四十年前馬上飛
功名藏盡擁禪衣
石榴園下擒生處

獨自間行獨自歸

三陷思明三突圍
鐵衣拋盡納禪衣
天津橋上無人識
閒凭欄杆望落暉

西明寺牡丹

花向琉璃地上生
光風炫轉紫雲英
自從天女盤中見
直至今朝眼更明

憶楊十二巨源

去時芍藥纔纔堪
贈看却殘花已度春
只為情深偏愴別

等閒相見莫相親

送復夢赴韋令幕

世上如今重檢身
吾徒耽酒作狂人
西曹舊事多持法
慎莫吐他丞相茵

送劉太白

太白居
從善坊

洛陽大底居人少
從善坊西最寂寥
想得劉君獨騎馬
古堤愁樹隔中橋

奉誠園

馬司徒
舊宅

蕭相深誠奉至尊舊居求作奉誠園秋來古巷無人掃
樹滿空墻閉戟門

與太白同之東洛至櫟陽太白染疾駐行予九月二十五日至華嶽寺雪後望山

共作洛陽千里伴老劉因疾駐行軒今朝獨自山前立
雪滿三峰倚寺門

野狐泉柳林

去日野狐泉上柳紫芽初綻拂眉低秋來寥落驚風雨

葉滿空林躡作泥

酬胡三憑人問牡丹

竊見胡三問牡丹為言依舊滿西欄
花時何處偏相憶
寥落衰紅雨後看

酬樂天秋興見贈本句云莫怪獨吟秋興苦
比君校近二毛年

勸君休作悲秋賦
白髮如星也任垂
畢竟百年同是夢
長年何異少何為

元氏長慶集卷十六

謹案卷十一第九頁前一行海客話神龍刊本瀧
訛龍據全唐詩改

第十頁後四行篇篇入禁闈刊本闈訛圍據全唐
詩改

卷十二第四頁前三行坐痛筋骸惜刊本惜訛潛
據全唐詩改

第七頁後四行銅柱指南隣刊本銅訛桐據全唐
詩改

第八頁前二行嚮嚮笑而被格刊本嚮嚮訛嚮嚮
據文選改


第八頁後三行能傳稚川術刊本川訛子據全唐
詩改

卷十五第五頁前二行慘切風雨夕刊本夕訛多
據全唐詩改

卷十六第三頁後四行晝靜簾疎燕語頻刊本簾
訛簷據全唐詩改

第三頁後七行三杯未盡不能傾刊本杯訛材據
全唐詩改

第五頁後六行杏花壇上練真形刊本壇訛檀形
真訛真形據全唐詩改



總校官庶吉士臣張能照

校對官編修臣朱攸

謄錄監生臣劉復善

欽定四庫全書薈要

集部

元氏長慶集卷

十七至
二十一

詳校官助教臣常循



欽定四庫全書蒼要卷一萬三千八百八十一集部

元氏長慶集卷十七

唐 元稹 撰

律詩

雪後宿同軌店上法護寺鐘樓望月

滿山殘雪滿山風
野寺無門院院空
烟火漸稀孤店靜
月明深夜古樓中

陪韋尚書丈歸履信宅因贈韋氏兄弟

紫垣駟騎入華居公子文衣護錦輿眠閣書生復何事
也騎羸馬從去聲尚書

永貞二年正月二日上御丹鳳樓赦天下予與
李公垂庾順之間行曲江不及盛觀

春來饒夢慵朝起不看千官擁御樓却着間行是忙事
數人同傍曲江頭

韋居守晚歲常言退休之志因署其居曰大隱
洞命予賦詩因贈絕句

謝公潛有東山意已向朱門啟洞門大隱猶疑戀朝市
不如名作罷歸園

贈李十二牡丹花片因以餞行

鶯澁餘聲絮墮風牡丹花盡葉成叢可憐顏色經年別
收取朱欄一片紅

題李十一修行里居壁

雲闕朝迴塵騎合杏花春盡曲江閒憐君雖在城中住
不隔人家便是山

靖安窮居

宣靜不由居遠近大都車馬在權門野人住處無名利
草滿空階樹滿園

贈樂天

等閒相見銷長日也有閒時更學琴不是眼前無外物
不關心事不經心

使東川

并序○此後
並御史時詩

元和四年三月七日予以監察御史使東川往來鞍馬

間賦詩凡三十二章秘書省校書郎白行簡為予手寫
為東川卷今所錄者但七言絕句長句耳起駱口驛盡
望驛臺二十二首云

駱口驛二首

東壁上有李二十員外逢吉崔二
十二侍御韶使雲南題名處北壁

有翰林白二十二居易題擁石闕云間雪紅
樹等篇有王質夫和焉王不知是何人也

郵亭壁上數行

音杭

字崔李題名王白詩盡日無人共言

語不離墻下至行時

二星徼外通蠻服五夜燈前草御文我到東川恰相半

向南看月北看雲

清明日

行至漢上憶與樂天知退
杓直拒非順之輩同遊

當年寒食好風輕觸處相隨取次行
今日清明漢江上一身騎馬縣官迎

亞枝紅

往歲與樂天曾於郭家亭子竹林中見
亞枝紅桃花半在池水自後數年不復

記得忽於襄城驛池岸林間
見之宛如舊物深所愴然

平陽池上亞枝紅
悵望山郵是事同
還向萬竿深竹裏
一枝渾卧碧流中

梁州夢

是夜宿漢川驛夢與杓直樂天同遊曲江兼入慈恩寺諸院條然而寤則蓮葉

及階郵吏已

傳呼報曉矣

夢君同遶曲江頭也向慈恩院院遊亭吏呼人排去馬
忽驚身在古梁州

南秦雪

帝城寒盡臨寒食駱谷春深未有春纔見嶺頭雲似蓋
忽驚巖下雪如塵千峰筍石千株

一本作千條

玉萬樹松蘿

萬朶銀飛鳥不飛猿不動青驄御史上南秦

江樓月

嘉川驛望月憶杓直樂天知退拒非
順之數賢居近曲江閣夜多同步月

嘉陵江岸驛樓中江在樓前月在空
月色滿牀兼滿地

江聲如鼓復如風誠知遠近皆三五
但恐陰晴有異同

萬一帝鄉還潔白

一本作
皎潔

幾人潛傍杏園東

慙問囚

蜀門夜行憶與順之在司
馬鍊師壇上話出處時

司馬子微壇上頭與君深結白雲儔
尚平村落擬連買
王屋山泉為別遊各待陸渾求一尉
共資三徑便同休
那知今日蜀門路帶月夜行緣問囚

江上行

悶見漢江流不息悠悠漫漫竟何成
江流不語意相問
何事遠來江上行

漢江笛

二月十五日夜於西縣白馬驛南樓聞
笛悵然憶得小年曾與從兄長楚寫漢

江聞笛賦

而有吟耳

小年為寫游梁賦最說漢江聞笛愁
今夜聽時在何處
月明西縣驛南樓

郵亭月

於駱口驛見崔二十二題名處數夜後
於青山驛玩月憶得崔生好持確論每

於宵話之中常曰人生晝務夜安步月間行吾
不與也言訖堅卧他人雖千百其詞難動搖矣
至是愴然思

此題因有獻

君多務實我多情大抵偏嗔步月明
今夜山郵與蠻嶂
君應堅卧我還行

嘉陵驛二首篇末有懷

嘉陵驛上空牀客一夜嘉陵江水聲
仍對牆南滿山樹
野花撩亂月朧明

牆外花枝壓短牆月明還照半張牀
無人會得此時意

一夜獨眠西畔廊

百牢關

奉使推小吏任敬仲

嘉陵江上萬重山何事臨江一破顏
自笑只緣任敬仲等閒身度百牢關

江花落

日暮嘉陵江水東梨花萬片逐江風
江花何處最腸斷半落江流半在空

嘉陵江二首

秦人惟識秦中水長想吳江與蜀江今日嘉川驛樓下
可憐如練遶明窓

千里嘉陵江水聲何年重遶此江行只應添得清宵夢
時見滿江流月明

西縣驛

去時樓上清明夜月照樓前撩亂花今日成陰復成子
可憐春盡未還家

望喜驛

滿眼文書堆案邊
眼昏偷得暫時眠
子規驚覺燈又滅
一道月光橫枕前

好時節

身騎驄馬峨眉下
面帶霜威卓氏前
虛度東川好時節
酒樓元被蜀兒眠

夜深行

夜深猶自遶江行
震地江聲似鼓聲
漸見戍樓疑近驛
百牢關吏火前迎

望驛臺

三月盡

可憐三月三旬足
悵望江邊望驛臺
料得孟光今日語
不曾春盡不歸來

贈咸陽少府蕭郎

莫怪逢君淚每盈
仲由多感有深情
陸家幼女託良婿
阮氏諸房無外生
顧我自傷為弟拙
念渠能繼事姑名
別時何處最腸斷
日暮渭陽驅馬行

贈呂三校書

與呂校書同年科第後為別七年
元和己丑歲八月偶於陶化坊會

宿

同年同拜校書郎觸處潛行爛熳狂共占花園爭趙辟
競添錢貫定秋娘七年浮世皆經眼八月間宵忽並牀
語到欲明歡又泣傍人相笑兩相傷

封書

鶴臺南望白雲關城市猶存暫一還書出步虛三百韻
藥珠文字在人間

仁風李著作園醉後寄李十

朧明春月照花枝花下音聲是管兒却笑西京李員外
五更騎馬趨朝時

燈影

洛陽晝夜無車馬漫掛紅紗滿樹頭見說平時燈影裏
玄宗潛伴太真游

貶江陵途中寄樂天杓直以員外郎判鹽鐵樂

天以拾遺在翰林

此後並在江陵士曹
時詩○杓直李建字

想到江陵無一事酒杯書卷綴新文紫芽嫩茗和枝採

朱橘香苞數瓣分
暇日上山狂逐鹿
凌晨過寺飽看雲
算緡草詔終須解
不敢將心遠羨君

渡漢江

去年春奉使東
川經嵯冢山下

嵯冢去年尋漢水
襄陽今日渡江濱
山遙遠樹纔成點
浦靜沉碑欲辨文
萬里朝宗誠可羨
百川流入渺難分
鯢鯨歸穴東溟溢
又作波濤隨伍員

哀病驄呈致用

樞上病驄啼裊裊
江邊廢宅路迢迢
自經梅雨長垂耳

乍食菰蔣欲折腰金絡頭銜光未滅玉花衫色瘦來焦
曾聽禁漏驚衙鼓慣蹋康衢怕小橋夜半雄嘶心不死
日高饑餓尾還搖龍媒薄地天池遠何事牽牛在碧霄

送嶺南崔侍御

我是北人長北望每嗟南雁更南飛君今又作嶺南別
南雁北歸君未歸洞主參承驚豸角島夷安集慕霜威

黃家賊

黃少卿

用鑷

音窳小稍短矛

刀利白水郎行旱地稀蜃吐

朝光樓隱隱鼇吹細浪雨霏霏毒龍蛻骨轟雷鼓野象

埋牙斲石磯火布垢塵須火浣木綿溫軟當

去聲

綿衣枕

椰麵礮

楚錦切
食有沙

檳榔澁海氣常昏海日微蛟老變為妖

婦女舶來多賣假珠璣此中無限相憂事請為殷勤事
事依

酬樂天八月十五夜禁中獨直玩月見寄

一年秋半月偏深况就烟霄極賞心金鳳臺前波漾漾
玉鈎簾下影沉沉宴移明處清蘭路歌待新詞促翰林
何意枚臯正承詔瞥然塵念到江陰

予病瘴樂天寄通中散碧腴垂雲膏仍題四韻
以慰遠懷開拆之間因有酬荅

紫河變鍊紅霞散翠液煎研碧玉英金籍真人天上合
鹽車病驥輓前驚愁腸欲轉蛟龍吼醉眼初開日月明
惟有思君治平聲不得膏銷雪盡意還生

元氏長慶集卷十七

欽定四庫全書薈要卷一萬三千八百八十二

集部

元氏長慶集卷十八

唐 元稹 撰

律詩

陪諸公游故江西韋大夫通德湖舊居有感題
四韻兼呈李六侍御即韋大夫舊寮也

高墉行馬接通湖巨壑藏舟感大夫塵壁暗埋悲舊札
風簾吹斷落殘珠烟波漾日侵墮

徒田切

岸狐兔奔叢拂

坐隅惟有滿園桃李下膺門偏拜阮元瑜

送友封二首

黔府賓羣
字友封

桃葉成陰鷺引雛南風吹浪颭檣烏瘴雲拂地黃梅雨
明月滿帆青草湖迢迢旅魂歸去遠顛狂酒興病來孤
知君兄弟憐詩句遍為姑將惱大巫

惠和坊裏當時別豈料江陵送上船鵬翼張風期萬里
馬頭無角已三年甘將泥尾隨龜後尚有雲心在鶴前
若見中丞忽相問為言腰折氣衝天

放言五首

近來逢酒便高歌醉舞詩狂漸欲魔
五斗解醒猶恨少十分飛盞未嫌多
眼前讐敵都休問身外功名一任他
死是老間生也得擬將何事奈吾何

音馱

莫將心事厭長沙雲到何方不是家
酒熟舖糟學漁父飯來開口似神鷗
竹枝待鳳千莖直柳樹迎風一向斜
總被天公霑雨露等頭成長盡生涯

霆轟電熒數聲頻不奈狂夫不藉身
縱使被雷燒作燼

寧殊埋骨颺為塵得成蝴蝶尋花樹儻化江魚掉錦鱗
必若乖龍在諸處何須驚動自來人

安得心源處處安何勞終日望林巒玉英惟向火中冷
蓮葉元來水上乾甯戚飯牛圖底事陸通歌鳳也無端
孫登不語啟期樂各自當情各自歡

三十年来世上行也曾狂走趨浮名兩迴左降須知命
數度登朝何處榮乞我杯中松葉滿遮渠肘上柳枝生
他時定葬燒缸地賣與人家得酒盛

劉二十八以文石枕見贈仍題絕句以將厚意
因持壁州鞭酬謝兼廣為四韻

枕截文瓊珠綴篇野人酬贈壁州鞭用長時節君須策
泥醉風雲我要眠歌眇彩霞臨藥竈執陪仙仗引爐烟
張騫却上知何日隨會歸期在此年

奉和嚴司空重陽日同崔常侍崔郎中及諸公
登龍山落帽臺佳宴

謝公愁思眇天涯蠟屐登高為菊花貴重近臣光綺席

笑憐從事落烏紗
更房暗綻紅珠朶
茗椀寒供白露芽
詠碎龍山歸去號
馬奔流電妓奔車

送王十一郎游剡中

越州都在浙河灣
塵土消沉景象閒
百里油盆鏡湖水
千峰鈿朶會稽山
軍城樓閣隨高下
禹廟煙霞自往還
想得王郎乘畫舸
幾回明月墜雲間

送友封

輕風略略柳欣欣
晴色空濛遠似塵
斗柄未回猶帶閏

江痕潛上已生春
蘭成宅裏尋枯樹
宋玉亭前別故人
心斷洛陽三兩處
窈娘提抱古天津

送致用

淚霑雙袖血成文
不為悲身為別君
望鶴眼穿期海外
待烏頭白老江濱
遙看逆浪愁翻雪
漸失征帆錯認雲
欲識九回腸斷處
潯陽流水九條分

早春登龍山靜勝寺時非休澣司空特許是行
因贈幕中諸公

謝傅知憐景氣新
許尋高寺望江春
龍文遠水吞平岫
羊角輕風旋去聲
細塵山茗音冥
粉含鷹嘴嫩
海榴紅綻錦
窠勻歸來笑問諸從事
占得閒行有幾人

書樂天紙

金鑿殿裏書殘紙
乞與荊州元判司
不忍拈將等閒用
半封京信半題詩

酬孝甫見贈十首各酬本意次用舊韻

宋玉秋來續楚詞
陰鏗官漫足閒詩
親情書札相安慰

多道蕭何作判司

杜甫天材頗絕倫
每尋詩卷似情親
憐渠直道當時語
不着心源傍古人

十歲荒狂任博徒

奴何切或作接按莎兩手相切摩也

莎五木擲梟盧

野詩良輔偏憐假
長借金鞍逐酒胡

曾經綽立侍丹墀
綻藥宮花拂面枝
雉尾扇開朝日出
柘黃衫對碧霄垂

一自低心翰墨場
劔鞘拋盡負書囊
近來兼愛休糧藥

柏葉紗羅雜豆黃

莫笑風塵滿病顏
此生元在有無間
卷舒蓮葉終難濕
去住雲心一種閒

無事拋棊侵虎口
幾時開眼復聯行

杭音

終須殺盡緣邊

敵四面通同掩太荒

原憲甘貧每自開
子春傷足少人哀
蒼南惟有陳居士
時學文殊一問來

每識閒人如未識
與君相識便相憐
經旬不解來過宿

忍見空牀夜夜眠

開拆新詩展大瓊

音求與
球同

明珠炫轉玉音浮
酬君十首

三更坐減却常時
半夜愁

和樂天招錢蔚章看山絕句

碧落招邀間曠望
黃金城外看方壺
人間還有大江海
萬里烟波天上無

折枝花贈行

櫻桃花下送君時
一寸春心逐折枝
別後相思最多處

千株萬片遶林垂

寄劉頗二首

平生嗜酒顛狂甚不許諸公占丈夫
惟愛劉君一片膽
近來還敢似人無

前年碣石烟塵起共看官軍過洛城
無限公卿因戰得
與君依舊綠衫行

晨起送使病不行因過王十一館居二首

自笑今朝誤夙興逢他御史瘡相仍
過君未起房門掩

深映寒窓一盞燈

密宇深房小火爐
飯香魚熟近中厨
野人愛靜仍耽寢
自問黃昏肯去無

送孫勝

桐花暗淡柳惺惚
池帶輕波柳帶風
今日與君臨水別
可憐春盡宋亭中

遊三寺回呈上府主嚴司空時因尋寺道出當
陽縣奉命覆視縣囚牽於游衍不暇詳究故以

詩自誚爾

謝公恣縱顛狂掾觸處間行許自由舉板支頤對山色
當筵吹帽落臺頭貪緣稽首他方佛無暇精心滿縣囚
莫責尋常吐茵吏書囊赤白報君侯

遠望

滿眼傷心冬景和一山紅樹寺邊多仲宣無限思鄉淚
漳水東流碧玉波

早春尋李校書

款款春風澹澹雲柳枝低作翠櫳裙梅含雞舌蕪紅氣
江弄瓊花散綠紋帶霧山鶯啼尚小穿沙蘆筍葉纔分
今朝何事偏相覓撩亂芳情最是君

過襄陽樓呈上府主嚴司空樓在江陵節度使
宅北隅

襄陽樓下樹陰成荷葉如錢水面平拂水柳花千萬點
隔林鶯舌兩三聲有時水畔看雲立每日樓前信馬行
早晚暫教王粲上庾公應待月分明

八月六日與僧如展前松滋主簿韋戴同游碧
澗寺賦得扉字韻寺臨蜀江內有碧澗穿注兩
廊又有龍女洞能興雲雨詩中噴字以平聲韻

空閣長江礙鐵圍高低行樹倚巖扉穿廊玉澗噴紅旭
踴塔金輪拆翠微草引風輕馴虎睡洞驅雲入毒龍歸
他生莫忘去聲靈山別滿壁人名後會稀

奉和竇容州

明公莫訝容州遠一路瀟湘景氣濃
斑竹初成二妃廟

碧蓮遙聳九疑峯禁林聞道長傾鳳池水那能久滯龍
自歎風波去無極不知何日又相逢

盧頭陀詩

并序

道泉頭陀字源一姓盧氏本名士衍弟曰起郎士玟則
官闕可知也

玟曾為
節度使

少力學善記憶戡解職仕不三十

餘歷八諸侯府皆掌劇事性强邁不錄幽瑣為吏所構
謫官建州無何有異人密授心契冥失所在盧氏既為
大門族兄弟且賢豪惶駭求索無所得瘡子某積歲窮

盡荒僻一夕於衡山佛舍衆頭陀中燈下識之號叫泣
血無所顧然而先是衆以為姜頭陀自是知其為盧頭
陀矣邇後往來湘潭間不常次舍抵以衡山為詣極元
和九年張中丞領潭之歲予拜張公於潭適上人在焉
即日詣所舍東寺一見蒙念不礙小劣盡得本末其事
列而序之仍以四韻七言為贈爾

盧師深話出家由剃盡心花始剃頭馬哭青山別車匿
鵲飛螺髻見羅睺還來舊日經過處似隔前身夢寐游

為向八龍兄弟說他生緣會此生休

醉別盧頭陀

醉迷狂象別吾師夢覺觀空始自悲
盡日笙歌人散後滿江風雨獨醒時
心超幾地行無處雲到何天住有期
頓見佛光身上出已蒙衣內綴摩尼

元氏長慶集卷十八